

## Jems anêᶇ kapyā Abô môᶇ

Jems ma Yisu anêᶇ yaᶇ molok. Yani hatō hadêᶇ avômalô Israēl takatu ba êvhaviᶇ Yisu ba êmô pik luvuluvu. Yani lahaviᶇ iniᶇ êvhaviᶇ imbitak lôklokwaᶇ ba hadôᶇ thêlô ek neyabiᶇ i esak malêla takatu ba enaᶇ. Ma hik thô nena êvhaviᶇ anôᶇ ma anêᶇ ku hêk haviᶇ. Ma hanaᶇ nena miᶇ onaᶇ abôma esak avômalô vi ami. Ma hadôᶇ i nena mek ma nôᶇm lôklokwaᶇ anôᶇ.

Hato kapyā êntêk hadêᶇ 50 mena 61 AD la. Ma 62 AD ma ik yani vônô.

### *Jems anêᶇ lamavi*

<sup>1</sup> \*Ya Jems, Wapômbêᶇ lo Anyô Bêᶇ Yisu Kilisi iniᶇ anyô ku. Yahato kapyā êntêk hi ek avômalô Israēl ôdôᶇ laumiᶇ ba lahavuju takatu ba êsôv mayaliv ba i êmô luvuluvu anêᶇ pik bêᶇ êntêk lôkthô. Wاكلêvôᶇ mavi!

### *Malaiᶇ havatho ôêvhaviᶇ loᶇ*

<sup>2</sup> \*Aiyaᶇ thêlô, malaiᶇ lomaloma hapôm môlô, êᶇ ma lemimimbi nena nôᶇm takêᶇ ma nôᶇm leᶇiᶇmavi iyom.

<sup>3</sup> \*Môlô oyala nena malaiᶇ takêᶇ hasôm môlônim ôêvhaviᶇ ba hadum ek numiᶇ lôklokwaᶇ.

---

\* **1:1:** Mat 13:55; Ap 15:13; Gal 1:19; 1Pi 1:1

\* **1:2:** Lom 5:3-5

\* **1:3:** 1Pi 1:7

4 Ma numiņ lōklokwaņ endeba ku êņ injik anōņ ba numbitak êtōm nê talaņ ba nundum nōmkama sapêņ thêthōņ iyom ek nōmla yaņ miņ êņjêk ami.

5 \*Mōlō te hêv yak hathak auk, êņ ma eten Wapōmbêņ ma tem nê. Yani hathak habi anêņ wapōm sam hadêņ avōmalō lōkthō ma miņ hatatale i ami.

6 Yani atu ba hateņ ma nêmbiņ iyom ma miņ anêņ auk mayaliv ami. Anyō auk mayaliv ma hatōm ņgwêk budum ba lovak hayuv hi ba halêm.

7 Anyō anêņ aêņ miņ laimbi nena tem enja nōmlate êlêm anêņ Anyō Bêņ anêņ ami.

8 Yani ma anyō auk ju ba hadum nōmkama sapêņ mayaliv.

### *Nê valu mi lōk nê valu bêņ*

9 Aiyaņ mena livōņ la atu ba athêņ mi hathak nōmkama pik ma êmō lōk lamavi. Wapōmbêņ hayê thêlō hatōm nê lōk athêņ bêņ.

10 \*Ma nê lōk athêņ bêņ hathak nōmkama pik ma nêlō lōk leņiņmavi. Wapōmbêņ hayê thêlō hatōm nê athêņ mi ba tem nêlêm yak êtōm kamuņ anêņ vuak hêv yak.

11 Wak hapup ba habi lōklokwaņ ba habōk kamuņ ba iniņ vuak lōk lêlêyaņ mavi hakapok. Ma aêņ iyom nê lōk valu bêņ idum iniņ ku denaņ ba ema ma iniņ nōmkama tem egeleloņ.

### *Wapōmbêņ miņ halōk anyō leņ ek nindum kam-bom ami*

12 Nê takatu ba imiņ lōklokwaņ hathak malaiņ ma Wapōmbêņ lêk lamavi hathak i. Thêlō lovak

---

\* 1:5: Snd 2:3-6      \* 1:10: Ais 40:6-7

ba tem neja lôkmala atu ba nêmo êtom wak nômbênj intu sapênj êtom iniñ vuli. Wapômbênj bôk habitin abô ek nêmo êndênj nê takatu ba lenjin haviñ yani.

<sup>13</sup> Kambomlate miñ hatôm êndôk Wapômbênj la ek indum kambom ami. Ma yani miñ halôk anyôla la ek indum kambom ami. Ba intu nômlate halôk lem ek undum kambom ma miñ onañ nena, “Wapômbênj halôk yalenj ami.”

<sup>14</sup> Mi. Alalôaniñ thethanjak ma hatôm etak alim halôk lôm ek nêbôv alim esak ba hakôk alalô lenjin ek nandum kambom.

<sup>15</sup> Ma thethanjak êñ halumbak bênj ba anênj anônj ma kambom. Ma kambom êñ anênj palumbak lôkthô ma ñama.

<sup>16</sup> Yenanj aiyanj lôkma anônj, noyabinj am ek anyôla miñ esau môlô ami.

<sup>17</sup> Wapôm lôk nôm mavi anônj sapênj ma halôk ba halêm anênj lenj. Kamik Bênj atu ba hapesanj deda lenj sapênj hêv wapôm mavi takênj. Wak lo bôlôvônj iniñ deda hathak habitak yanja yanja, ma donjom Wapômbênj da hamô aênj iyom hatôm wak nômbênj intu sapênj.

<sup>18</sup> \*Yani anênj lahavinj ba intu alalô abitak anênj nali hathak abô avanônj. Hadum aênj ek alalô nambitak êtom anênj nôm môñ anônj ek nômkama vi atu ba hapesanj haviñ.

### *Nodanjô ba nosopa*

<sup>19</sup> Yenanj aiyanj lôkma anônj, môlô nodanjô katô. Anyôla hananj nômla ma nômo tinjin ba nodanjô bônônj ma miñ lemimmanin ba nonanj viyanj kethenj ami.

---

\* **1:18:** Jon 1:13

20 \*Avômalô iniņ leņiņmaniņ miņ hatôm eto avômalô ba nimbitak thêthônĕtôm Wapômbêņ anêņ lahaviņ ami.

21 \*Aêņ ba notak nôm lôņgôlôņ lôm kambom nômbêņ êņ. Ma nômô yaô ba nobalonĕ Wapômbêņ anêņ abô atu ba havatho halôm mômô loņ. Abô êņ ma hatôm nêm mômô bulubiņ.

22 \*Ma mômô nodanô abô êņ ba nundum anêņ ku imbiņ. Olanô oyaņ, êņ ma hatôm osau amda.

23 Anyôla te halanô Wapômbêņ anêņ abô ba miņ hasopa ami ma hatôm ôpatu ba hayê thohavloma halôm liyali.

24 Ma hatak liyali ba hi ma kethenĕ oyaņ ma lapaliņ nena yanida ma aisê.

25 \*Ma doņtom ôpatu ba hatitiņ balabuņ mabuņ êņ ma miņ lapaliņ ami ma indum êtôm atu ba hanaņ, êņ ma Wapômbêņ tem nêm mek ek anêņ ku sapêņ. Balabuņ mabuņ êņ hêv alalô vê hêk kambom anêņ lôklokwaņ.

26 \*Anyôla hanaņ nena hasopa Wapômbêņ ma doņtom miņ hayabiņ abôlêk ami, êņ ma hasau yanida ba nômkama sapêņ atu ba hadum ek esopa Wapômbêņ ma nôm oyaņ.

27 Lemhaviņ osopa Kamik Wapômbêņ ek êņjê mômô êtôm nôm mabuņ thêthê mavi, êņ ma nundum aêntêk. Noyabiņ avômena bilak lôm avi tôp esak iniņ malaiņ. Ma noyabiņ amda ek pik malim miņ esak mômô ami.

---

\* 1:20: Sav 7:9 \* 1:21: Kol 3:8; 1Pi 2:1 \* 1:22: Mat 7:26; Lom 2:13 \* 1:25: Lom 8:2; Jem 2:12 \* 1:26: Sng 141:3

## 2

### *Noyabin avômalô sapêḡ esak auk doḡtom*

<sup>1</sup> \*Yenaḡ aiyaḡ thêlô, alalô aêvhavinḡ alalôaninḡ Anyô Bêḡ Yisu Kilisi, yani ma deda lôkmaḡinḡ anôḡ. Ba intu noyabinḡ avômalô sapêḡ esak auk doḡtom ma miḡ nônêm ḡê lôk athêḡ bêḡ liḡ ma nosale ḡê lôk athêḡ mi thô ami.

<sup>2</sup> Odaḡô. Anyôla halêm hêv yeḡ havinḡ môlô ba hik kwêv mabuḡ anôḡ lôk mote gol. Ma anyô siv lôk nômkama mabô habitak hayô havinḡ.

<sup>3</sup> Êḡ ma môlô ôêv athêḡ bêḡ hadêḡ anyô lôk kwêv mabuḡ ba onaḡ, “Ôlêm ômô loḡ mavi êntêk.” Ma onaḡ hadêḡ anyô siv nena, “Umḡin loḡ intu” mena “Ôndôk ômô biḡ.”

<sup>4</sup> Môlô udum aêḡ ma hatôm ovak avômalô vose hi ôdôḡ ju ba udum abô lokbaḡ hathak i.

<sup>5</sup> \*Yenaḡ aiyaḡ lôkma anôḡ, nodanḡ katô. Avômalô takatu ba avômalô pik êyê nena ḡê siv ma Wapômbêḡ bôk hatak i yôv ek nimbitak ḡê lôkmaḡinḡ hathak iniḡ êvhavinḡ ba tem nêm athêḡ bêḡ êndêḡ i ek nêômô anêḡ loḡ lôklinyak êtôm bôk habutiḡ abô ek nêm êndêḡ ḡê takatu ba leḡinḡhavinḡ yani. Aêḡ e?

<sup>6</sup> Ma doḡtom ôpôlik ek ḡê siv. Ma opalê hathak hêv malainḡ hadêḡ môlô ba havôv môlô hi loḡ idum abô? ḡê siv e? Mî, ḡê valu bêḡ iyom.

<sup>7</sup> Ma thêlô êḡ iyom intu enaḡ abôma hathak unim alaḡ Kilisi ba ibuliḡ anêḡ athêḡ mavi.

---

\* **2:1:** Ap 10:34; Jem 2:9      \* **2:5:** 1Ko 1:26-28

8 \*Ma alalôaniḡ kiḡ Wapômbêḡ anêḡ abô bal-abuḡ te hanaḡ hêk anêḡ kapyḡ nena, “Lemimbiḡ avômalô êtôm atu ba lemhaḡiḡ oda”. Udum aêḡ ma mavi.

9 \*Ma doḡtom ôêv ḡê lôk athêḡ bêḡ liḡ ma ôpôlik hathak ḡê athêḡ mi, êḡ ma udum kambom ba bal-abuḡ hik thô nena môlô ma ḡê ômô abô balabuḡ lu.

10 \*Ma ôpatu ba hayabiḡ balabuḡ sapêḡ ma doḡtom hêv yak hathak bute, êḡ ma habuliḡ abô balabuḡ lôkthô.

11 \*Ôpatu ba hanaḡ nena, “Miḡ undum sek imbiḡ anyô yaḡ yanavi ami” lôk hanaḡ haḡiḡ nena “Miḡ nuḡgwik anyô vônô ami.” Ba intu miḡ hudum sek haḡiḡ anyô yaḡ yanavi ami ma doḡtom huik anyô vônô, êḡ ma hômô abô balabuḡ lu.

12 \*Aêḡ ba malêla takatu ba udum lo onaḡ ma lemimimbi nena Wapômbêḡ tem indum abô esak balabuḡ takatu ba hêv alalô vê hêk kambom anêḡ lôklokwaḡ.

13 \*Ma miḡ hôêv kapôlôm ek avômalô vi ami, êḡ ma waklavôḡ nindum abô ma Wapômbêḡ tem miḡ nêḡ kapô ek o ami. Ma doḡtom hôêv kapôlôm ek avômalô vi, êḡ ma tem Wapômbêḡ nêḡ kapô ba nêḡ môlô vê êḡḡek loḡ nindum abô.

*Êvhaḡiḡ anêḡ ku mi, êḡ ma ḡama*

14 Yenaḡ aiyaḡ thêlô, anyô te hanaḡ nena yaḡi ma anyô hêvhaḡiḡ ma doḡtom miḡ hadum mavi

\* **2:8:** Mat 19:19; Gal 5:14

19:37; Nam 20:7-12,24; Mat 5:19

\* **2:12:** Gal 6:2; Jem 1:25; 1Pi 2:16

\* **2:9:** Lo 1:17

\* **2:11:** Kis 20:13-14; Lom 13:9

\* **2:13:** Mat 5:7; 18:32-35

\* **2:10:** Wkp

ami, êᶇ ma mavi e? Mi. Êvhaviᶇ anêᶇ aêᶇ tem nêᶇ  
yani bulubiᶇ e? Mi.

15 \*Aiyaᶇ te mena livôᶇ late nôᶇ lôk sôᶇ mi ba  
hêᶇ i sêkêya.

16 Ma môlô te hanaᶇ hadêᶇ yani nena, “Nu lôk  
lemmavi, upuk sôᶇ lôk nonᶇwaᶇ nôᶇ.” Ma doᶇtom  
miᶇ hêᶇv yani sa ami, êᶇ ma mavi aisê?

17 Ma aêᶇ iyom ma êvhaviᶇ atu ba hêk wavo ma  
ku mi, êᶇ ma ᶇama.

18 \*Ma doᶇtom anyô late hanaᶇ nena, “Avômalô  
vi idum ku ma vi êvhaviᶇ iyom, ma luvi ma hatôm.”  
Ma doᶇtom yahananaᶇ nena, “Ya miᶇ hatôm yaᶇgê  
êvhaviᶇ atu ba ku mi ami. Ba intu tem yaᶇgik  
yenaᶇ yahêvhaviᶇ thô esak yenaᶇ ku.”

19 Môlô ôêvhaviᶇ nena Wapômbêᶇ doᶇtom iyom  
hamô ba intu osoᶇ nena unim ôêvhaviᶇ ma anêᶇ  
ku mi ma hatôm e? Auk êᶇ ma auk mavi, ma  
doᶇtom miᶇ osoᶇ nena auk êᶇ intu mavi ek o ami.  
Mi, ᶇgôk eyala auk êᶇ haviᶇ, ma doᶇtom thêlô  
ma Wapômbêᶇ anêᶇ ᶇê kambom ba intu êkô ba  
elowaliᶇ.

20 Môlô ᶇê auk thôᶇôthôᶇ, lemimhaviᶇ noyala  
nena êvhaviᶇ atu ba hêk wavo ma anêᶇ ku mi, êᶇ  
ma nôᶇ oyaᶇ e?

21 \*Lemimimbi alalôaniᶇ bumalô Ablaham.  
Yani bôk hêᶇ nakaduᶇ Aisak hatôm da hayô hêk  
loᶇ êbôk da. Yani hadum ku êᶇ ba intu Wapômbêᶇ  
hanaᶇ nena yani ma anyô thêthôᶇ, aêᶇ e?

22 \*Intu êᶇ, Ablaham anêᶇ hêvhaviᶇ lôk anêᶇ ku  
idum ku haviᶇ i. Ma anêᶇ ku hadum ba anêᶇ

---

\* 2:15: 1Jon 3:17 \* 2:18: Gal 5:6 \* 2:21: Stt 22:9-12 \* 2:22:  
Hib 11:17-18

hêvhaviņ hik anôņ.

<sup>23</sup>\*Êņ ma habitak hatôm Wapômbêņ anêņ kapya hanaņ, “Ablaham hêvhaviņ Wapômbêņ ba intu hayê yani nena anyô thêthôņ.” Ma halam yani nena anêņ anyô môlô.

<sup>24</sup>Aêņ ba oyala nena ôpatu ba hêvhaviņ lôk hadum anêņ ku haviņ ma Wapômbêņ halam yani nena anyô thêthôņ. Ma miņ hanaņ abô êņ hathak ôpatu ba hêvhaviņ iyom ma anêņ ku mi ami.

<sup>25</sup>\*Ma lemimimbi avi sek waliliņ Lahap imbiņ. Yani ma aêņ iyom. Hawa Israel iniņ nê êyê loņ vani ba hêv i sa ek elom buyaņ ba i. Yani hadum ku êņ ba intu Wapômbêņ halam yani nena avi thêthôņ.

<sup>26</sup>Kupik atu ba auk lôkmala miņ hamô ami, êņ ma ŋama. Ma êvhaviņ atu ba anêņ ku mi ma ŋama aêņ iyom.

### 3

#### *Oyabiņ vembôlêk mavi*

<sup>1</sup>Aiyaņ thêlô, alalô nayala nena Wapômbêņ tem indum abô lôklokwaņ ek yêlô atu ba adôņ avômalô hathak êvhaviņ. Ba intu miņ môlô bêņ anôņ nundum ek numbitak nê êdôņ avômalô ami.

<sup>2</sup>Alalô lôkthô athak avak i silili ba adum kambom lomaloma. Anyôla miņ havak i silili hathak anêņ abô ami, êņ ma yani mabuņ anôņ ba hatôm eyabiņ liņkupik sapêņ.

<sup>3</sup>Odaņô. Avômalô ethak etak nôm yaônate hapalaņaniņ hêk bokhos abôlêk ek êvôv hamô yak ma bok bêņ êņ hasopa iniņ leņiņhaviņ.

---

\* **2:23:** Stt 15:6; 2Sto 20:7; Ais 41:8      \* **2:25:** Jos 2:1-21; Hib 11:31



<sup>4</sup> Ma nômla yaŋ ma yeŋ ŋgwêk. Yeŋ ŋgwêk ma nômbêŋ ma lovak bêŋ hayuv ma hathak hasisuŋ yeŋ êŋ ba hi. Ma doŋtom nôm yaôna anôŋ te hêk dômlokwaŋ ek havusiŋ hi loŋ atu ba alaŋ lahaviŋ ni.

<sup>5</sup> Ma aêŋ iyom veŋbôlêk ma nôm yaôna ek leŋviŋkupik. Ma doŋtom hatôm indum ku bêŋ lomaloma.

Lemimimbi nena atum yaôna hatôm esaŋ ba êmbôk kamuŋ bêŋ anôŋ.

<sup>6</sup> \*Ma veŋbôlêk ma hatôm atum. Veŋbôlêk êŋ ma hayô siŋ hathak kambom lomaloma ba halumbak bêŋ ba hadum leŋviŋkupik sapêŋ habitak lelaik. Atum êŋ halêm anêŋ loŋ atum da hamô ba intu hatôm esaŋ alalôaniŋ lôkmala sapêŋ, lêk êntêk êŋ endeaba êyô anêŋ daŋ.

<sup>7</sup> Avômalô ethak ewa menak lo umya ma alim ŋgwêk lôk alim lomaloma ba eyabiŋ ba êmô tiŋiŋ.

<sup>8</sup> \*Ma doŋtom anyô late miŋ hatôm eyabiŋ abôlêk ek ênjêk tiŋiŋ ami. Mi, kambom hapipiyap hêk abôlêk ba hatôm siniŋ habôk avômalô vônô.

<sup>9</sup> Alalô êv yeŋ hathak veŋiŋbôlêk hadêŋ alalôaniŋ Kamik Anyô Bêŋ. Ma veŋiŋbôlêk doŋtom êŋ iyom intu hanan ek Wapômbêŋ imbuliŋ avômalô takatu ba yani hapesaŋ i hatôm yanida.

<sup>10</sup> Veŋiŋbôlêk doŋtom êŋ iyom intu habô Wapômbêŋ lôk hanan abôma haviŋ. Aiyaŋ thêlô, êŋ ma kambom anôŋ.

<sup>11</sup> Nyaŋ lôk ŋgwêk hatôm nede valu abyana te e? Mi anôŋ.

---

\* **3:6:** Mat 12:36-37; 15:11,18-19      \* **3:8:** Lom 3:13

12 Aiyaŋ thêlô, ŋgwêk miŋ hatôm nêŋ ŋaŋ mavi êndêŋ alalô ami. Ma ŋgôbêŋ miŋ hatôm injik êtôm sabo ami. Ma yak te miŋ hatôm injik êtôm ŋgôbêŋ ami. Mi anôŋ.

*Auk mavi halêm anêŋ Wapômbêŋ*

13 Môlô opalê atu ba lôkauk bêŋ ba hayala Wapômbêŋ anêŋ lahaviŋ? Injik anêŋ auk mavi êŋ thô esak anêŋ kobom thêthôŋ lôk ku takatu ba hadum ba hamô malinŋyaô.

14 Ma doŋtom lemdaŋ hathak athêŋ bêŋ hêk kapôlôm ba hudum ek osale anyô vi thô ba ômôŋ, êŋ ma miŋ ômbô o ba onaŋ nena hosopa abô avanôŋ ami. Êŋ ma honaŋ abôyaŋ ba hubuliŋ abô avanôŋ.

15 Auk êŋ ma auk pik lôk kapôlôŋ bô ba halêm anêŋ Sadaŋ. Ma miŋ halêm anêŋ leŋ ami.

16 Loŋ atu ba kobom ethale anyô vi thô lôk leŋdaŋ hathak athêŋ bêŋ hêk, êŋ ma tem ôpôm nena nômkama sapêŋ hamô mayaliv ma kambom lomaloma hêk haviŋ.

17 Ma doŋtom auk atu ba halêm anêŋ leŋ ma mabuŋ anôŋ. Auk êŋ hadum ek avômalô nêŋmô yôhok imbiŋ i lôk netauviŋ i ma nêwê abô vibiŋ, ma nêŋnêŋ kapôlôŋiŋ lôk nindum ku mavi lomaloma, ma nindum kobom doŋtom êndêŋ avômalô lôkthô ma nesopa thêlôda iniŋ abô sapêŋ.

18 \*Avômalô yôhok takatu ba ethak idum ek avômalô nêŋmô yôhok imbiŋ i ma hatôm evatho iniŋ yaŋvêk ba hik anôŋ, êŋ ma kobom thêthôŋ mavi lomaloma.

---

\* **3:18:** Mat 5:9; Hib 12:11

## 4

*Anyô lahaviņ nômkama pik ma hatôm hik vovak hadêņ Wapômbêņ*

<sup>1</sup> \*Malê te hadum ba mólô lemimņaņa ba uik vovak haviņ am? Nôm takêņ halêm anêņ unim thethaņak takatu ba ibisôk ek nundum kambom lomaloma e? Intu êņ.

<sup>2</sup> Mólô lemimhaviņ nômlate atu ba mi hêk mólô. Ba intu mólô malemimkilik hathak nôm êņ ba uik anyô vônô ma doņtom miņ owa ami. Êņ ma hadum mólô lemimņaņa ba uik vovak hathak. Mólô miņ onañ hik Wapômbêņ liņ ami ba intu miņ owa ami.

<sup>3</sup> Ma onañ hik yani liņ hathak nômlate ma miņ othak owa ami eka? Unim auk ma lokbaņ ba lemimhaviņ noja ek injik unim thethaņak vônô iyom. Ba intu yani havasiņ nôm êņ ek mólô.

<sup>4</sup> \*Mólô ma hatôm avômalô takatu ba idum sek waliliņ ba êpôlik ek Wapômbêņ ma evaloņ nômkama pik majaņ. Odaņô! Opalêla takatu ba leņiņhaviņ nômkama pik ma pik anêņ ñê mólô ba hatôm ik vovak hadêņ Wapômbêņ.

<sup>5</sup> Wapômbêņ anêņ abô te bôk hanaņ nena, “Wapômbêņ madaluk ladaņ hathak auk lôkmala atu ba hêv hadêņ alalô.” Hosoņ nena abô êņ ma nôm oyaņ e? Mi anôņ!

<sup>6</sup> \*Ma Wapômbêņ lahaviņ nêm alalô sa ba intu habi anêņ wapôm sam bêņ anôņ hadêņ alalô. Hatôm anêņ kapyā hanaņ nena, “Wapômbêņ havasiņ ek ñê êbôi ma hêv wapôm ek ñê etauviņ i.” *Gutpela Sindaun 3:34*

---

\* **4:1:** Lom 7:23    \* **4:4:** Lom 8:7; 1Jon 2:15    \* **4:6:** 1Pi 5:5

7 \*Aêṅ ba nodovak Wapômbêṅ. Ma nobasiṅ am ek Sadaṅ, êṅ ma tem yani etak môlô ba êsôv.

8 \*Ma unu bidonṅ ek Wapômbêṅ ma tem yani êlêm bidonṅ ek môlô. Ma môlô ṅê takatu ba udum kambom, nusik bahemim ek nundum mavi. Ma môlô ṅê auk ju, notak auk yaṅ ek unim kapôlômim imbitak mabuṅ mavi.

9 Ma lemimimbi môlônim kambom ba nodaṅ lôk lemimmalaiṅ. Ma miṅ nomalik lôk lemmavi ami. Mi, kapôlômim malaiṅ ba nodaṅ asêṅ malêṅ.

10 \*Notauviṅ am êṅjêk Anyô Bêṅ ma, ma tem êsô môlô liṅ.

### *Minṅ nonaṅ abôma esak anyô vi ami*

11 Aiyaṅ thêlô, miṅ nonaṅ abôma esak môlôviyaṅ ami. Môlô takatu ba onaṅ abôma hathak môlôviyaṅ mena otatale môlôviyaṅ, êṅ ma hatôm onaṅ abôma lo otatale abô balabuṅ. Ma otatale abô balabuṅ, êṅ ma miṅ osopa abô balabuṅ êṅ ami. Mi, ubitak hatôm abô balabuṅ anêṅ alaṅ.

12 \*Ma doṅtom abô balabuṅ anêṅ alaṅ ma doṅtom iyom. Yani êṅ iyom hatôm indum abô ek anêṅ mavi nêṁô ma anêṅ kambom nêṁbini. O opalê ba honaṅ avômalô iniṅ kambom bêṅ?

### *Minṅ nobam amda ami*

13 \*Odaṅô katô! Môlô takatu ba onaṅ, “Yaô mena yamuṅ la ma tem yêlô ana malak bêṅ te ek nandum ku valu êtôm sondabêṅ te êṁô loṅ êṅ ek napôm valuseleṅ bêṅ.”

---

\* 4:7: Ep 6:12 \* 4:8: Ais 1:16; Sek 1:3; Mal 3:7 \* 4:10: Jop 5:11; 1Pi 5:6 \* 4:12: Lom 2:1; 14:4 \* 4:13: Luk 12:18-20

14 \*Aisê ka onañ aêñ? Oyala nô m atu ba tem imbitak e? Mi, ôthônj nô m atu ba tem imbitak êndêñ yamuñ! Ma môlônim lôkmala ma hatôm atum yova atu ba hamô dokte iyom ma tem mi.

15 Aêñ ba mavi ek môlô nonañ aêntêk, “Anyô Bêñ anêñ lahaviñ, êñ ma tem yêlô namô lôkmala ba nandum nô m takatu ba leñiñhabi ek nandum.”

16 Ma doñtom môlô othak ôbôam ba obam am. Êñ ma kambom.

17 \*Aêñ ba opalê atu ba hayala kobom mavi ma doñtom miñ hadum ami, êñ ma hadum kambom.

## 5

### *Nê lôk nômkama bêñ nôkô ek am*

1 Môlô avômalô lôk nômkama bêñ, odayô katô! Malaiñ lomalomama tem êpôm môlô ba intu nodañ asêñ malêñ.

2 \*Môlônim nômkama sapêñ lêk hapalê ma didu lêk edabêñ unim kwêv lo sôp ba hatitip

3 ma da lêk hathañ unim gol lo seleva. Ma da êñ tem imbitak êtôm atum ek esañ môlô lemvimkupik lôk injik môlônim kambom thô. Waklavôñ pik lo leñ anêñ dañ lêk habobo, ma doñtom ôvôlô nômkama denañ.

4 \*Lemimimbi esak unim ñê ku takatu ba idum ku êmô unim ku kapô. Miñ ôêv i vuli hatôm iniñ ku ami ba iniñ asêñ hi hapôm Anyô Bêñ Lôklokwanj Lôkthô Anêñ Ôdôñ ba lêk halañô yôv.

\* 4:14: Sng 39:5,11; Snd 27:1

\* 4:17: Luk 12:47

\* 5:2: Mat

6:19 \* 5:4: Lo 24:14-15

<sup>5</sup> \*Môlô ômô pik ma osopa unim lemimhaviņ lôk thethaņak ba oañ nôm bêņ hatôm etak bok halôk balam lukmuk ba êthôņ iniņ waklavôņ nijik i vônô lêk habobo.

<sup>6</sup> Môlô othak udum abô ek nijik nê thêthôņ vônô ma miņ êwê kambom êņ viyaņ ami.

### *Ôpôm malaiņ ma nômô maliņyaô*

<sup>7</sup> \*Aêņ ba aiyaņ thêlô, nômô maliņyaô ma noy-abiņ Anyô Bêņ anêņ endelêm. Lemimimbi nê takatu ba evatho nômkama halôk ku kapô. Thêlô êmô maliņyaô ba eyabiņ ôthôm lo wak ek nindum iniņ ku vêmam. Êņ ma tem nôm indumbak ba injik anôņ mavi.

<sup>8</sup> \*Ma nômô maliņyaô aêņ iyom ma nobatho kapôlômim loņ. Anyô Bêņ anêņ waklavôņ endelêm lêk habobo.

<sup>9</sup> Aiyaņ thêlô, miņ kapôlôņ diņdiņ esak am ami ek Anyô Bêņ miņ indum abô esak môlô ami. Odaņô, balabuņ anêņ alaņ lêk hamiņ unyak abôlêk yôv ek nundum abô!

<sup>10</sup> Aiyaņ thêlô, lemimimbi plopet taksêbôk ba enaņ abô hathak Anyô Bêņ anêņ athêņ. Ewa vovaņ ma doņtom êmô maliņyaô.

<sup>11</sup> \*Ma avômalô takatu ba ewa malaiņ ba imiņ lôklokwaņ ma ayala nena thêlô ewa Wapômbêņ anêņ mek mavi. Ma bôk olaņô Jop anêņ kukuthiņ e? Hawa malaiņ bêņ ma doņtom hamiņ lôklokwaņ. Anyô Bêņ ma anyô lahiki lôk kapô malaiņ hathak

---

\* **5:5:** Luk 16:25    \* **5:7:** Lo 11:14; Jer 5:24    \* **5:8:** Lom 13:11-12;  
1Pi 4:7    \* **5:11:** Kis 34:6; Jop 1:21-22; 2:10; Sng 103:8

anêḡ avômalô ba intu havenḡ yam ma hadum mavi hadêḡ yani.

*Minḡ alalô nanaḡ avanôḡ binḡ dake ami*

<sup>12</sup> \*Aiyaḡ thêlô, nômbêḡ ma aêntêk. Minḡ nonaḡ nena avanôḡ binḡ dake esak leḡ lo pik mena nômla ek embatho unim abô loḡ ami. Mi, hudum aêḡ, êḡ ma yakô osau ba tem Anyô Bêḡ nêḡ vovaḡ êndêḡ o. Ba intu honaḡ nena tem undum nômlate, êḡ ma undum êtôm atu ba honaḡ. Ma hôdô ek undum, êḡ ma onaḡ nena mi ek minḡ undum ami.

*Nê êvhaviḡ iniḡ mek ma lôklokwaḡ*

<sup>13</sup> Malaiḡ la hapôm môlô te, êḡ ma eteḡ mek. Ma môlô te lamavi, êḡ ma nêḡ yeḡ ek êmbô Wapômbêḡ.

<sup>14</sup> \*Ma môlô te hapôm lijiḡ, êḡ ma endam avômalô êvhaviḡ iniḡ avaka ek neteḡ mek êyô yani vov lôk nisik esak nôḡ lêḡlêḡ esak Anyô Bêḡ anêḡ athêḡ.

<sup>15</sup> \*Ma iniḡ mek atu ba eteḡ lôk êvhaviḡ ma tem indum ôpêḡ mavi ma Anyô Bêḡ tem êsô yani liḡ. Ma bôk hadum kambom la, êḡ ma tem Anyô Bêḡ nêḡ anêḡ kambom êḡ vê.

<sup>16</sup> Ba intu môlô tomtom nonaḡ unim kambom bêḡ imbiḡ am ma noteḡ mek esak am ek numbitak mavi. Anyô thêthôḡ anêḡ mek ma lôklokwaḡ ba tem injik anôḡ.

<sup>17</sup> \*Lemimbi plopet Elia. Yani ma anyô hatôm alalô. Lavidonḡ ba hateḡ mek ek minḡ ôthôm injik

---

\* **5:12:** Mat 5:34-37      \* **5:14:** Mak 6:13      \* **5:15:** Mat 17:18-20

\* **5:17:** 1Kinḡ 17:1; 18:1

ami, êᶇ ma ôthôm miᶇ hik ami hatôm sondabêᶇ lô ma wata te.

<sup>18</sup>\*Vêm ma hateᶇ mek hathak loᶇbô ma ôthôm hik ba nômkama pik hik anôᶇ mavi.

*Ôpatu ba hêv yak ma noja yani esak loᶇbô*

<sup>19</sup>\*Yenaᶇ aiyaᶇ thêlô, môlô te hêv yak hathak abô avanôᶇ ba môlô te hawa ôpêᶇ hatup,

<sup>20</sup>\*êᶇ ma lemimimbi nena, “Ôpatu ba hêv anyô hadum kambom te anêᶇ auk sa ek hatak anêᶇ kambom, êᶇ ma hêv ôpêᶇ vê hêk ᶇama ma haluvin anêᶇ kambom bêᶇ anôᶇ.”

---

\* **5:18:** 1Kiᶇ 18:42-45      \* **5:19:** Gal 6:1      \* **5:20:** Snd 10:12; 1Pi 4:8



**Wapômbêŋ Anêŋ Abô Mathen**  
**The New Testament in the Malei-Hote Language of**  
**Papua New Guinea**  
**Nupela Testamen long tokples Maei-Hote long Niugini**  
copyright © 2010 Wycliffe Bible Translators, Inc. and The Malê people

Language: Hotê-Malê (Malei-Hote)

Translation by: Wycliffe Bible Translators

Contributor: The Malê people

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

---

PDF generated using Haiola and XeLaTeX on 18 Apr 2025 from source files dated 31 Aug 2023

c8e90bc3-6cab-57b1-9a48-04f5f30fe59a